

গণপ্রজাতন্ত্রী বাংলাদেশ সরকার
কারা উপ-মহাপরিদর্শকের কার্যালয়
রাজশাহী বিভাগ, রাজশাহী।
www.prison.rajshahidiv.gov.bd

পত্র নং ৫৮.০৮.৮১০০.০৬৩.০৩.০৩৪.২৩- ২৫ (৭)

তারিখ: ১৭ বৈশাখ ১৪৩০
৩০ এপ্রিল ২০২৩

বিষয়: জেল কোড ও উর্ধ্বতন কর্তৃপক্ষ কর্তৃক সময়ে সময়ে জারিকৃত নিম্নোক্ত নির্দেশনাসমূহ যথাযথভাবে প্রতিপাদ্ন ও কার্যকরকরণ।

- ১। কারাবন্দিদের কারাভ্যন্তরে প্রবেশ ও বিভিন্ন কারণে বাইরে পাঠানোর পূর্বে ডিউটি অফিসারের উপস্থিতিতে নিরিড়ভাবে তল্লাশি নিশ্চিতকরণ; যাতে মোবাইল, মাদক, নগদ টাকাসহ নিষিদ্ধ দ্রব্যাদি কারাভ্যন্তরে প্রবেশ করতে না পারে। সিআইডি প্রধান কারারক্ষী ও কারারক্ষীদের দ্বারা তল্লাশির পরিবর্তে মাঝে মধ্যে বিশ্বস্ত প্রধান কারারক্ষী/কারারক্ষীদের সমন্বয়ে টিম গঠন করে তল্লাশি নিশ্চিতকরণ।
- ২। কারাভ্যন্তরে গমনকারী প্রত্যেকটি ডিউটি দফা আবশ্যিকভাবে ডিউটি অফিসারের উপস্থিতিতে কঠোরভাবে তল্লাশি নিশ্চিতকরণ; যাতে মোবাইল, মাদক, নগদ টাকাসহ জেলকোড অনুযায়ী নিষিদ্ধ দ্রব্যাদি কারাভ্যন্তরে প্রবেশ করতে না পারে। (বিশেষ করে রাত ১১ টা, ১ টা ও ৩টার দফা) আকস্মিক তল্লাশিতে জেলার ও ডেপুটি জেলারদের উপস্থিতি নিশ্চিতকরণ।
- ৩। কারা অধিদপ্তরের নির্দেশনা অনুযায়ী যেকোন জঙ্গি তৎপরতা মোকাবিলায় স্ট্রাইকিং ফোর্স ২৪ ঘন্টা প্রস্তুত রাখতে হবে।
- ৪। সুষ্ঠু কারা প্রশাসন নিশ্চিতকরণে সিনিয়র জেল সুপার/জেল সুপার ও জেলারের রাত্রীকালীন কারাভ্যন্তরে নিয়মিত পরিক্রমার পাশাপাশি আকস্মিক পরিক্রমা (বিশেষ করে রাত ১১ টার পর থেকে ভোর পর্যন্ত দফাসমূহ) নিশ্চিতকরণ।
- ৫। সুষ্ঠু কারা প্রশাসনের স্বার্থে সিনিয়র জেল সুপার/জেল সুপার ও জেলারের অফিসকক্ষ থেকে সিসিটিভি মনিটরিং ব্যবস্থা নিশ্চিতকরণ।
- ৬। প্রায়শই কারাভ্যন্তরে মোবাইল উদ্ধার ও মোবাইলে কথা বলার অভিযোগ ওঠে। সে কারণে কারাভ্যন্তরে মোবাইল জ্যামার (ফ্রিকুয়েন্সি কিলার) সচলকরণ; সচল না থাকলে সচল করার ব্যবস্থা গ্রহণ; প্রয়োজনে নিরাপত্তা যন্ত্রপাতি খাতে অর্থ বরাদ্দ নিয়ে মোবাইল জ্যামার স্থাপন নিশ্চিতকরণের ব্যবস্থা গ্রহণ।
- ৭। নীতিমালা অনুযায়ী কারা ক্যান্টিন পরিচালনা নিশ্চিতকরণ; কারণ সম্প্রতি কারা ক্যান্টিন বিভিন্ন মহলের আলোচনা-সমালোচনার কেন্দ্রবিন্দুতে পরিণত হয়েছে; যা কারা বিভাগের সম্মানহানীর কারণ হয়ে দাঁড়িয়েছে।
- ৮। কারাগারের সকল ওয়ার্ড ও সেলকক্ষে নিয়মিত ও সময়ে সময়ে আকস্মিক তল্লাশি অব্যাহত রেখে ঝুঁকিপূর্ণ ও বিপদজনক দ্রব্যাদি যেমন-লাইটার, দিয়াশলাই, কাটার (কাটুনি), রশি, দাহ্য পদার্থ (যেমন-কেরোসিন), কাঁচের টুকরো/বোতল, ধারালো জিনিস (যেমন-টিনের কোটা) ইত্যাদি দ্রব্যাদি অপসারণ কার্যক্রম গ্রহণ করা।
- ৯। কারাগারের নিরাপত্তা সরঞ্জামাদি যেমন-সিসিটিভি ক্যামেরা, মনিটর, লাগেজ স্ক্যানার, হ্যান্ড মেটাল ডিটেক্টর ইত্যাদি সার্বক্ষণিক মনিটরিং ব্যবস্থাসহ অন্যান্য সকল নিরাপত্তা সরঞ্জামাদি সচল রাখার জন্য প্রয়োজনীয় ব্যবস্থা নিশ্চিতকরণ।
- ১০। কারাগারে আটক বিভিন্ন জঙ্গি সংগঠন, শীর্ষ সন্ত্রাসীসহ সকল স্পর্শকাতর বন্দির গতিবিধি কঠোরভাবে পর্যবেক্ষণ নিশ্চিতকরণ।
- ১১। কারাগারের বন্দিদের বিজ্ঞ আদালতে হাজিরা, বাহির হাসপাতালে প্রেরণ এবং বিভিন্ন কারাগারে স্থানান্তরকালে সংশ্লিষ্ট শাখার কর্মকর্তার উপস্থিতিতে সুচারূপভাবে তল্লাশি নিশ্চিত করা ও কারাভ্যন্তরে বন্দি প্রবেশকালে হ্যান্ড মেটাল ডিটেক্টর/আর্চওয়ে মেটাল ডিটেক্টর দ্বারা তল্লাশি ব্যবস্থা নিশ্চিত করা এবং প্রয়োজনবোধে সন্দেহজনক বন্দিকে নিরিড়ভাবে তল্লাশিকরণ।
- ১২। কারা ক্যান্টিনের শুকনা পণ্য গায়ের মূল্যে ও ভেজা আইটেমসমূহ ন্যায্যমূল্যে বিক্রয় নিশ্চিতকরণ।
- ১৩। কারাগারে বন্দিদের খাবারের মান ও পরিমাণ নিশ্চিতকরণসহ প্রত্যেক ওয়ার্ড ফুড মেম্বার কমিটি গঠনপূর্বক বন্দিদের জন্য রাখাকৃত খাবার সঠিকভাবে গ্রহণ ও বন্টন নিশ্চিতকরণ।

- ১৪। কারাগারের গুরুত্বপূর্ণ ও স্পর্শকাতর পোস্টগুলোতে দায়িত্ব বন্টনের ব্যপারে কারা অধিদণ্ডের সুস্পষ্ট নির্দেশনা রয়েছে। সেজন্য সার্ভিস বুক পুর্খানুপূর্খভাবে যাচাইপূর্বক কারারক্ষীদের দায়িত্ব বন্টন ও নিবিড়ভাবে মনিটরিং এর জন্য সিনিয়র জেল সুপার/জেল সুপার ও জেলারগণকে সর্তক থাকার জন্য বলা হলো।
- ১৫। কারা অধিদণ্ডের সাম্প্রতিক নির্দেশনা অনুযায়ী গার্ডিং স্টাফদের (সর্ব প্রধান কারারক্ষী, প্রধান কারারক্ষী, সহকারী প্রধান কারারক্ষী, কারারক্ষী, সুপার/জেলারের অর্ডালী, নিরাপত্তা সদস্য, সিআইডি ও ক্যান্টিন ম্যানেজার) পাশাপাশি সিভিল স্টাফদের (উচ্চমান সহকারী তথা লাইব্রেরিয়ান, হিসাবরক্ষক, কারা সহকারী তথা কম্পিউটার মুদ্রাক্ষরিক, ফ্যাট্রি ওভারশিয়ার, টাক্স টেকার, কারা শিক্ষক, টেইলার মাস্টার, টেইলার, ব্লাকস্মীথ ইত্যাদি) কারাভ্যন্তরে প্রবেশ ও বের হওয়ার সময় তল্লাশি নিশ্চিতকরণ।
- ১৬। ইউনিফর্মধারী বাহিনীর সদস্য হিসেবে উর্ধ্বতন কর্তৃপক্ষের সঙ্গে সার্বক্ষণিক যোগাযোগ রাখাসহ কারা প্রশাসন সংশ্লিষ্ট যেকোন গুরুত্বপূর্ণ বিষয়ে টেলিফোনিক যোগাযোগ ও ক্ষুদে বার্তা প্রেরণ নিশ্চিতকরণ।
- ১৭। বন্দি পলায়ন যাতে না ঘটে সে ব্যাপারে বিভাগস্থ সিনিয়র জেল সুপার/জেল সুপার ও জেলারকে সর্বোচ্চ সর্তক থাকতে নির্দেশ প্রদান করা হলো। উল্লেখ্য, সম্প্রতি বিভিন্ন হাসপাতালে চিকিৎসারত ও কারাগারের ওয়াল টপকিয়ে বন্দি পলায়নের ঘটনা ঘটেছে এবং এ ক্ষেত্রে তদন্তে গার্ডিং স্টাফদের দায়িত্ব পালনে চরম শৈথিল্য প্রদর্শন ও অবহেলার বিষয়টি প্রমাণিত হয়েছে।
- ১৮। উল্লত চিকিৎসার জন্য বাহির মেডিকেলে ভর্তিরত বন্দি রোগীদের প্রহরার দায়িত্বে নিয়োজিত গার্ডিং স্টাফদের উপর নিয়মিত পরিক্রমার পাশাপাশি রাত্রীকালীন আকস্মিক পরিক্রমার উপর জোর দেয়া।
- ১৯। কারাভ্যন্তরে ও আবাসিক এলাকায় লার্ভা নির্ধন স্প্রে ও মশক নির্ধন ঔষধ নিয়মিত ছিটানো নিশ্চিতকরণ।
- ২০। সম্প্রতি লক্ষ্য করা যাচ্ছে যে, কারাভ্যন্তরে বন্দি আত্মহত্যার সংখ্যা বাঢ়ছে, বিশেষ করে রাত্রীকালীন আত্মহত্যার ঘটনা বেশি ঘটেছে। এর কারণ হিসেবে নিম্নস্বাক্ষরকারীর পর্যবেক্ষণ হলো রাত্রীকালীন বন্দি পাহারার (নাইট ওয়াচম্যান) বিধান রয়েছে, কিন্তু অধিকাংশ কারাগারের বন্দি পাহারাদের উপর প্রহরারত কারারক্ষী ও তাদের ইনচার্জগণের দায়িত্ব পালনে চরম শৈথিল্য প্রদর্শন এবং সেই সঙ্গে রাত্রীকালীন জেল সুপার, জেলার, ডেপুটি জেলারগণের নিয়মিত ও আকস্মিক পরিক্রমার প্রতি আনীহাই মূলত দায়ী। বন্দি পাহারাদেরকে রাত্রীকালীন জাহাত রাখা ও কিছুক্ষণ পরপর শব্দ করে গুণতি আদায় করাই ইনচার্জসহ প্রহরারত কারারক্ষীদের অন্যতম প্রধান কাজ। এটি নিশ্চিত করতে পারলে বন্দি আত্মহত্যাসহ অন্যান্য দৃঢ়ত্বনা কমানো সম্ভব। অতএব রাত্রীকালীন বন্দি পাহারাদের জাহাত রাখা ও নিয়মিত পরিক্রমার পাশাপাশি আকস্মিক পরিক্রমা নিশ্চিত করার জন্য সিনিয়র জেল সুপার, জেল সুপার ও জেলারকে নির্দেশ প্রদান করা হলো।
- ২১। সর্বোপরি, সিনিয়র জেল সুপার/জেল সুপার ও জেলারকে বন্দি ফাইলে মোটিভেশনাল স্পীচ প্রদানসহ বন্দিদের অভিযোগ/অনুযোগ মনোযোগসহ শ্রবণ ও যথাসাধ্য সমাধানের চেষ্টা করা, বন্দিদের সঙ্গে মানবিক আচরণ নিশ্চিতকরণ।

উপর্যুক্ত নির্দেশনাসমূহ যথাযথভাবে প্রতিপালন করতে সিনিয়র জেল সুপার/জেল সুপার, সহকারী সার্জন ও জেলার'কে বলা হলো ও সময়ে সময়ে সার্বিক পরিস্থিতি সম্পর্কে নিম্নস্বাক্ষরকারীকে অবহিত করার জন্যও নির্দেশ প্রদান করা হলো।

৩০.০৪.২০২৩

(মোঃ কামল হোসেন)

কারা উপ-মহাপরিদর্শক (ভারপ্রাপ্ত)

রাজশাহী বিভাগ, রাজশাহী

সিনিয়র জেল সুপার/জেল সুপার
রাজশাহী বিভাগস্থ সকল কারাগার।

অনুলিপি সদয় জ্ঞাতার্থে:

কারা মহাপরিদর্শক

কারা অধিদণ্ডর, ঢাকা।